

## ARLeF: bant a pro dai ents publics par promovi il bilinguism visîf

L'intervent al tocje la cartelonistiche fûr dai edificis, chê informative o turistiche e i supuarts visîfs tai mieçs di traspuart. I ents a podaran mandâ lis domandis fin ai 16 di Setembar.

La ARLeF – Agenzie regjonâl pe lenghe furlane e va dilunc cu lis ativitâts par meti in vore ad implen la legjislazion di tutele de lenghe furlane e, in particolâr, lis normis leadis al bilinguism visîf fissadis de leç regjonâl 29/2007.

Par chest, i ents publics dal teritori di lenghe furlane a puedin pandi il lôr interès par firmâ cu la Agenzie un acuardi di colaborazion daûr dal art. 15 de leç n. 241/1990, presentant une propueste di progjet par comprâ e instalâ: a) cartelonistiche e insegnis bilengâls difûr dai edificis che a son sede di uficis e di structuris operativis; b) cartelonistiche informative e turistiche; c) scritis bilengâls tai mieçs di traspuart (fin a un massim dal 10% de spese totâl). La segnaletiche stradâl, che e jere za stade tratade in bants precedents, e ven lassade fûr.

La ARLeF e valutarà lis propuestis rivadis su la fonde dai criteris fissâts tal avîs, pe eventuâl concession dai contribûts, fin a un massim dal 85% de spese amissibile e fin a un massim di € 15.000,00.

La ARLeF e metarà a disposizion la consulence linguistiche par che al sedi garantît il rispiet de grafie uficiâl de lenghe furlane e une evidence grafiche compagne tra lis dôs lenghis.

Lis modalitâts par presentâ la propueste di colaborazion si puedin cjatâ tal sît de ARLeF ([www.arlef.it](http://www.arlef.it)), sezion Publicitât legâl. **La date di scjadince pe presentazion des domandis e je ai 16 di Setembar dal 2024.** Lis domandis a varan di jessi mandadis dome vie Pec ae direzion di pueste [arlef@certgov.fvg.it](mailto:arlef@certgov.fvg.it)

Par cualsisei informazion si pues clamâ il numar 0432 555812, o scrivi a: [arlef@regione.fvg.it](mailto:arlef@regione.fvg.it)

Udin, ai 2 di Avost dal 2024

### INFORMAZIONS PE STAMPE - INFORMAZIONI PER LA STAMPA

**Ufficio Stampa ARLeF** CALT relazioni pubbliche / e-mail: [arlef@caltpr.it](mailto:arlef@caltpr.it)

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<<